

見症實錄卷下

醫案

丹徒趙濂竹泉著

一人背脊正中長三寸寬一寸癢不可忍每日必搔刮皮
破血流始快名百脚風醫以桐油和石灰搥鎔做如患上
一樣長寬當中做一空槽式將有底一面放患上次以煎
滾香油傾入空槽內燭之燭至痛不可忍方止三次愈
一少婦寒邪與痰濕留於三陰經使腹疼不止頻進溫通
理氣藥不應改用

吳萸

肉桂

乾薑

木香

烏藥

陳皮

研末溫陳酒
下三錢立愈



一少婦每懷孕至三月則墜三月心脉養胎心屬火主血胎藉血養木火之體又值火臟胎脉兩火交并灼血耗夜胎元枯澁內臟難繫故墮猶乎瓜繫於籐籐枯瓜落以清營順胎方趙墮期前一月隔兩三日服一帖服過五月七月期方止蓋胎皆隕於單月單爲陽屬火也若虛體胎隕者宜補氣血

生地 當歸 白芍 只壳 黃芩 麦冬 梔子 元

參 知母 川柏 或加川連

一嫗小便點滴難下痛如刀刺小腹墜脹乃龍雷之火與



濕熱結於小腸宜瀉肝熱利濕邪十數帖全好

龍胆草 胡黃連 蘆薈 滑石 梔子 丹皮

苦參 澤瀉 通草 瞿麥 車前子 引琥珀屑

一老人濕熱蘊於大腸日久化生寸白蟲奇癢不堪以驅蟲法清早服四帖除根

史君子 蕪荑 雷丸 棟子 槐角 管仲 鶴虱

川柏 烏梅 引黃土 一兩

一老人形容瘦小偶診其脉全無自云生來無脉一世未嘗有病此天下所罕見者誌之以廣醫林耳目一新

一 嘔素常失血忽因勞力吐血盈盈諸治不效後以降氣
化療方立止此氣鬱化火偏血妄行耳

蘇子 歸尾 鬱金 旋覆花 青皮絡 香附

荊芥炭 元胡索 橘絡 降香末 引佛手 藕節

一人哮喘風寒而發或勞力而發者宜小青龍湯

麻黃 桂枝 蘇子 細辛 白芍 杏仁 桔梗 乾

薑

一 童過食鹹成哮喘 或過食甜亦成哮喘 以緩刮法

輕粉 八分 白麴 八兩 和作燒餅 八個 分入清早食之 小兒減半

一人體虛勞動而哮作脈細弱以宣肺扶土方卽平

杏仁 南沙參 玉竹 太子參 茯苓 蘇子

橘紅

半夏 引冰糖

一婦有梅毒毒發時筋骨痠痛渾身生出紅疙瘡隨潰膿水屢發屢愈奈毒根太深不得全好

一人手腕生三堅硬核大如棋子由惱怒傷肝氣分鬱結痰凝絡脉所致烙以燂鍼出黃膠水此爲痰瘤插入降条提出堅核大凡瘤皮有紅絲纏繞卽是血瘤若用刀鍼則血流不止而死若按瘤棉軟或大或小乃是氣瘤悞用刀



鍼真氣立散而危有種筋瘤其筋似蚯蚓蟠結形不禁刀
鍼易使筋縮難伸惟骨瘤肉瘤初起可用火鍼插進降氣
化盡其根可愈至已腫大如桃李決不可動刀鍼害人

一老人背疽漫腫瘡頭無數分清雖出膿水但年老氣血

虛非補托不可進十全大補十帖根脚消而瘡反高起用

刀剪開流去膿血調治八旬始痊

凡老人背疽雖愈不出
三五年多死

一老人生陰搭背僵硬如盤痛不可耐先搗蒜頭鋪患上

加艾絨灸之使溫通血脉轉爲陽內服陽八味加

黃耆
黨參扶

助正氣三日後烙以火鍼隨插藥撚又三日硬悉化腐漸

脫百日外始完口

一入夏月足底生疔誤食猪肉立刻走黃毒散由腿
數處腫如注痰塊大小不等痛不可忍照疔治法一日疼
止切不可作痰塊治用火鍼立危待膿熟放以刀約月餘
方痊

一女孩生下無肛門先用藥線穿掛肛上繫皮四日吊豁
隨以披刀挑破肛之正門外用細木尖長寸許裹以薄棉
插入刀口三日使皮肉不得復連乃成完全人矣

一孩生下舌下中筋與下牙床相連不能掉動用剪刀剪



至舌下正筋處而止以藥止其血卽愈

一少年夏日常赤身將背坐倚有石之墻圖其清涼適意
豈知陰冷凝滯經脉未幾覺背痠痛日劇一日療治不效
延半載乃逝

一童周身生骨瘤堅硬貼骨小大不一肌肉日瘦由母腎
虛與骨月至感苟合胎感其氣而成久服腎氣湯自消

熟地 兔絲子 萸肉 破故紙 杞子 當歸 昆布

海帶 淮牛膝 乳香 覆盆子 陳皮

一婦氣鬱不舒使左乳結核三枚如棋大方一月下以火

鍼隨揮降糸隔六日一次數次化盡核而止此症宜早治
若大如桃李或潰血水及翻花皆不可治
一人膝蓋漫腫痛不可當飲食不入外搗敷社花根扎好
兩日一換內投溫經燥濕藥一月全功
一老嫗腿生痰塊初覺隱痛二旬外高腫疼甚腿胖如尸
形容日瘦烙以火鍼全不知痛乃脾敗肉死尋亡
一少年面浮黃神氣弱背中并乳旁有痰塊漫腫光亮脹
痛之極鍼出黃水此脾虛濕泛至兩月將斂口忽渾身浮
腫瘡口迸裂已而遂殂



一人病後浮火薰肺致音啞難言投六味湯尋愈

一婦耳下始隱痛漸腫大經治後腫雖退而牙關仍緊延已兩月頃下有一孔流膿是骨槽風之膿毒結成多骨抵拒牙關用刀刺牙床後盡處挿入降丹少許閉口半日勿食免藥毒入喉傷人提出多骨乃痊

一軀牙關不能開牙床一深孔流臭水飲食不入終爲不治之症

一婦產後血虛生風身癢搔起白屑髮落目瞤與祛風潤燥涼血丸半年病如失

一人肚臍腫爛時流黃水乃腸胃濕熱從臍而出為進精
利濕熱藥外摻黃提丹漸腫消水乾而愈

一婦面黃瘦每見生米口卽流涎得啖始快此脾虛濕盛
化熱生蟲與烏梅 棟子 鶴虱 管仲 槐角 棟子

雷丸 蕪夷 川連 檳榔 花椒 以黃土煎湯煨

藥十劑後無恙

一女瘦弱不堪常食臭抹布及臭污泥此腹內有蟲窠與
殺蟲藥十數帖除根
一人病後遺毒牙關脹硬牙齦臭爛時流赤黑水不進飲



食投藥不應而亡

一人起居如常時喜喫金鐵土石物毫無所碍此肝胃火旺極生蟲故能磨化堅剛之物以大青葉煎飲二旬事清肝火乃愈

一人因數日夜賭博大輸致相火上沸擾亂心宮將舌嚙去一截尙不自知遂投降降火安心藥而痊

一人自六歲生痰塊背上至臀破潰十八處時出黃水不絕延及三十歲未愈形色雖敗飲食尙可大約是起初多進涼藥冰凝肌肉所以治亦無效



一婦婦心懷不遂鬱火上蒸使舌根生數孔時出臭味謂之噤舌治數年總無功

一人牙關初腫閉他醫令其食葷腥發物則風熱被葷味助火滯毒腫硬愈甚牙關永緊只進稀粥成骨槽風錮疾終身不治

一人手中指生疔食猪肉飲酒走黃毒重腫痛已三年不稍退先令飲

洋參桂圓

湯一碗固其元氣隨以快刀將患指根

節筍處剝去刀口搽止血藥卽浸手冷水內後乃提盡餘

毒一月全功



一人緣動怒使肺氣阻閉湯水難入初作喉風治不應余

以舒肝理氣藥

蘇梗 佩蘭 玉金

香附

枳殼 木香

沉香 佛手

玫瑰

花

四帖遂平

一人被火藥將頭面并兩手轟燒皮膚欲腐兼起水泡隨

用生軍末調老桐油敷外貼皮紙過二日一換一月全愈

一人休息痢二十餘年先投培補正氣藥六劑繼進大承

氣三帖攻其老積遂下血團一個

此積滯為血所搏藏於大腸隱曲處每有觸動

則發屢發屢止後調補月餘乃痊

一孩環跳穴生疽因多服涼藥致肌肉冰凝成漏時消清



膿一足已跛終成不治

一婦內踝骨生疽形如剝鱗腐流臭水

人身濕多下注

搽勝濕丹

須外扎緊則藥方不從水消去後遂獲痊

一人生左足發背爛開臭腐極痛

足背至下之處

難於升發收口

甚遲搽勝濕丹扎緊隔四日一次五旬奏功

一婦手足徧生紫疙瘡焮疼或潰黃水名紫癰風乃濕熱

留於血分而然以刀砭去毒血外將老桐油調清涼散敷

之內進涼血滲濕藥隨手取效

一孩上牙床縫中常流臭膿此爲牙漏用銀条探試奈其



漏上通於鼻無法可施矣

一人內目皆成漏以探条試之通外先挿陳降条化去管
次將利剪豁開上生肌藥貼膏藥一月完全若通眼內決
不可治

一婦口角生疔誤食豬肉走黃唇腫翻硬刀刺無血極痛
煩躁嘔噁此毒內閉又串至脇肋漫腫三處如流注若用火鍼
立死內服疔毒復生湯方載外科正宗十二劑唇上膿潰腫退但脇
肋至月餘始有膿百日乃完口

一人患縮脚痰已好誤食赤豆使毒復萌患腿痠痛難忍



僵硬如鐵療治不靈延年許卿可伸動卒成跛蹙

一人患流注三處臥床一月未見膿獨尾閭穴已深爛是

名席瘡乃肌肉先死辭不可治尋亡

一老人冬溫發熱煩躁有汗大便泄舌板硬燥裂全不渴

飲脉象細弱

陽病陰脉

此真陰告匱不得上潤立見神昏勉投

救陰法不應而逝

一婦對口腐已脫盡瘡中黑凹腥臭不肯生肌此爲內陷

壞症竟死無救

一婦素忤逆一日罵姑不堪忽被雷神提至空中陡然摔



北京中醫藥大學圖書館藏